

左恪靖侯奏稿初編

左恪靖伯奏稿卷二十目錄

密陳提鎮司道府年終考語摺

查明臬司殉難詳細情形請卹摺

連城漳州進剿獲勝情形摺

附陳逆賊竄陷長泰縣城旋即收復片

附陳盤獲遞送逆信之犯正法并請獎片

李同知陷賊不屈請免議并前議卹註銷片

瀝陳閩省因敵情形請調員差委摺

再請濟閩浙餉仍如數籌撥片

藩司任滿代請入

覲摺

頒賞福壽字等件謝

恩摺

錫封一等伯爵謝

恩摺

奏報進剿獲勝會克永定龍巖情形摺

代劉臬司奏准開缺仍幫軍務謝

恩摺

密陳提鎮司道府年終考語摺

奏爲密陳閩浙兩省提鎮司道府各員年終考語仰祈
聖鑒事竊照提鎮司道府等官例應於年終出具切實
考語密行陳

奏臣奉

恩命補授閩浙總督時因駐軍浙江於浙省文武各員
性情才識無不隨時隨事詳加考察惟閩省相距較遠
未及周知自督師入閩以來閩省各官或因公接見詢
以吏治得失或接閱稟詳考其政績設施凡人材戚否

輿論是非俱已默爲辨別得其梗槩其兩省提鎮由軍營立功奉

旨特擢俱未履任現除浙省委署各缺亦多係由軍營避員前往尙可漸圖整頓閩省則一時乏員刻下越級委護多不得力必須遲

飭實缺各員到任或欲軍務肅清將軍營奏留補用到任者例不註考外謹就現在各員分別出具切實考語密繕清單恭呈

御覽伏乞

皇太后

皇上聖鑒謹

奏
同治三年十二月二十八日

查明臬司殉難詳細情形請卹摺

奏爲查明臬司殉難詳細情形現在檢獲忠骸懇
恩優卹子諡並請建立專祠以慰忠魂恭摺具

奏伏乞

聖鑒事竊照福建臬司張運蘭前在武平剿賊失利力
戰陣亡業經奏明在案茲據汀州鎮關鎮國汀州府朱
以鑑選用道張恒祥稟報現自武平難民李姓二人從
賊中逃出暨受傷兵丁數名所述該臬司被戕情形甚
悉據稱九月十一日張運蘭擊賊於中赤地方連獲勝

仗忽報另股逆眾撲繞武平縣城張運蘭急帶中軍勇
隊馳援比到城已被陷賊眾遍野卽揮令副將雷照雄
等奮力迎剿斃賊無算詎後股悍賊從間道截出我軍
首尾不能相顧記名總兵賀國楨湖南補用總兵王明
高等被傷陣亡後軍遂潰中赤之賊乘勢夾攻我軍四
面受敵雷照雄亦中矛陣亡張運蘭見勢不支策馬陷
陣大呼衝突手刃悍賊多名鏖戰數時中傷墜馬賊擁
之入城厲聲罵賊不絕口至十四日午刻被戍遇害情
形最爲慘烈武平知縣沈旧玉永平司巡檢陶載坤典

史雍德玉等亦先後遇害難民等均目睹其事言之最詳武平既復署知縣八十四偕同隨侍張運蘭多年之都司湯友倫從亂屍中檢獲忠骸一段穿有藍布小祆表裏一色認係張運蘭臨陣時所穿著復於學官覓其元面色如生齒即如礼棺殮護送汀州由該鎮道等稟請具奏前來臣等伏查該臬司張運蘭自咸豐三年隨同已故道員

賈丙閣學士兼礼部侍郎銜諡壯武王鑫帶勇殺賊轉戰楚粵江西皖南福建諸省身經數百戰克復各城擒

斬首逆無數謀勇兼優戰功甚偉茲因所部兵分力薄
適遇巨股悍賊突至失利被圍裹創血戰卒以力盡
賊捐軀困在軍中除賊最多致舉賊懷恨報復遺害
最慘忠義凜然足光簡冊相應請

旨照布政使例從優

賜卹

予謚仍於死事地方建立專祠附祀湖南王爺專祠並
懇

恩勅勅下江西安徽湖南湖北廣東各督撫查明該

司戰績宣付史館立傳以慰忠魂同時殉難記名總兵
賀國棟等三十員暨武平縣知縣沈田王永平司巡檢
陶載坤典史雍德王均另給清單伏乞

勅部分別議卹並附祀張運蘭專祠以昭激勵其管帶
三族遊擊易培駿當逆賊撲犯武平縣城時不能率眾
固守致賊抄襲官軍後路雖賊眾兵單究屬罪無可道
應請

旨革職拏問以肅軍律臣等謹會同福州將軍臣英桂
合詞恭摺具

奏伏乞

皇太后

皇上聖鑒訓示謹

奏
同治三年十二月二十六日

連城漳州進剿獲勝情形摺

奏爲連城官軍進剿獲勝漳州官軍擊退撲營巨股現籌辦理情形恭摺

奏仰祈

聖鑒事竊劉典一軍前由連城進剿先勝後挫情形業經臣等馳奉在案查福建臬司王德榜抵汀州後聞劉典一軍新挫卽率所部疾趨連城時連城所轄朋口營溪兩要隘已有賊蹤出沒十一月二十八日王德榜會同劉典分路進剿王德榜率總兵蕭德龍戴奉聘李運

勝副將哈必發叅將何秀清游擊黎榮鈞鍾元興軍功
王福泰各營進苗溪羣賊見官軍修至駭而奔一股悍
逆約二千餘甫退里許復拚死回拒王德榜飭各營分
路夾擊立斃悍賊四五百名奪黃旗十餘面洋炮二十
餘桿驟馬多匹劉典飭叅將劉大謨道員李耀南副將
張福齊總兵黃有功各率所部進朋口亦殺賊百餘名
奪獲輜重甚多餘賊遂向新泉南陽遁去十二月初十
日王德榜率各營進駐苗溪劉典飭李耀南張福齊進
駐朋口與王德榜一軍互爲犄角王德榜偵知新泉之

賊又退至下車南嶺一帶於正路層層紮卡踞守以待
勢無可乘十二夜因密飭李運勝王福泰各挑趲捷勇
丁三百餘名出賊不意分路掩擊兩路皆從山巖取道
蛇伏狂騰而進王福泰徑抵下車賊壘賊始驚覺狂噪
而起官軍已越壕擁入立將賊二壘攻破李運勝抵南
嶺賊壘時賊猶熟睡未起火箭所著烈燄飛勝賊之冒
煙衝出者又被官軍矛刺刀斫逼墜巖澗死者無數三
壘均破天猶未曉也是役斃賊約其千餘名奪獲旗幟
鎗礮數百件賊馬數匹乃收隊而還此劉典王德榜兩

軍由連城進勒連獲勝仗之實在情形也其黃少春一軍由同安馳抵江東橋本擬移駐長泰縣因高連陞一軍已進紫瑞香亭距漳城僅二十餘里漳城北路樓內寨爲賊所踞西北路天堡福凝民寨被賊攻破漳南又無兵扼紫慮賊分襲遂進紫漳城東北十餘里北溪扼之與高連陞就近聯絡十二月初四日黃少春移營進紫局連陞派各營列隊好景出一帶以掣賊勢城賊初伏不出高連陞率二十餘騎赴東關近城三四里挑之甫勒騎回響水橋城賊果蜂擁而至高連陞飭各營嚴

陣以待騎賊數十偕步賊千餘率洋鎗直衝過橋官軍鎗礮齊施立斃騎馬賊目數名悍賊百餘名追至橋邊賊仍率眾回拒官軍大呼奮擊賊不支紛紛過橋而遁十五夜城賊忽出大股來撲黃少春營壘甫抵嶽西黃少春偵知卽率副將周紹濂李良平遊擊劉昌選各營齊出見賊隊排列對岸人數頗多寂無声息黃少春異之令各營隔河環施鎗炮斃賊多名適高連陞率所部出響水橋馳至縱橫夾擊賊敗走而降將劉得義邱萬順兩營經黃少春屢調不至正疑慮間忽親兵馳報劉

得義邱萬順將恭將周雲進遊擊黃元吉砍傷自率降
人將爲內應黃少春當報劉昌選列隊以禦防賊日率
各營馳回掩捕時劉得義邱萬順已率眾由壘中衝出
直向漳城而竄黃少春徑追過崎下橋將叛卒衝散大
半於陣前擒回通逆頭目劉際章余萬年陳金元三名
勇士二十餘名斬之先是劉得義稟稱有侍逆部黨傷
天將李魁元有眾數萬意欲投誠黃少春因未識其中
情僞未之許也劉得義邱萬順知計不行竟敢勾通城
賊乘夜撲營突就中取事幸黃少春高連陞將城賊

擊退逆謀旋亦敗露其隨逆犯劉得義邱萬順竄去者約不滿四百人於大局尙無所損十七日城賊復傾巢出東北兩門一出響水橋向瑞香亭而進以牽制高連陞各營一由崎下橋一由北是橋向北溪而進一由北門糾合樓內寨踞逆沿河直下逼撲黃少春各營黃少春飭各營靜以待之俟賊氣衰力竭然後開壁縱擊少頃中路之賊直撲至前營壘邊周紹濂俟其逼近始排礮轟之立斃首先悍賊數十名賊仍拚死猛撲適高連陞派錢桂仁程學明朱體盛三營馳至黃少春卽督中

營及李良平劉昌選兩營分路奮威衝殺賊勢不支而高連陞東路之師亦已將賊擊敗躡蹤追至矣方城逆之由東門來犯也高連陞見北門之賊分兩路出犯意侍逆必因劉得義卽萬順叛逃入城知黃少春兵力未厚將乘虛撲營當派錢桂仁等三營往援而飭各營鎮靜以待持至未刻高連陞飭丁賢發曹光德兩營從雲水橋以抄賊後張志公一營從好景山橫出夾擊自率所部分路直前賊卽潰竄官軍正乘勢追殺間殿後悍賊數千忽拚死回拒張志公率隊橫截賊勢不支敗至

響水橋又力鬪半時高連陞督泮鎗隊轟斃悍賊五六
十名丁賢發曹光德兩營復從後抄出遂紛紛奪橋鼠
走官軍向前痛擊生擒二十餘名斃賊數百名落水淹
斃者不計其數此降將劉得義等叛勾城賊力撲官軍
營壘經高連陞黃少春兩軍擊敗之實在情形也竊維
東南餘逆全數竄入閩疆約有四大股李世賢汪海洋
丁太洋林正揚也侍逆踞漳城其分踞龍巖之僞來王
僞奏王及踞永定南靖雲霄之賊皆其死黨賊數約在
十餘萬汪逆踞汀連南靖上杭交界之南陽賊數共一

百八十五隊每隊五百人合計亦九萬有餘丁逆林逆
則出沒漳龍間人數各約數萬而粵之潮嘉閩之泉漳
汀龍永春等府州向稱匪盜淵藪此次從亂如歸者其
數蓋不可得而知臣等以賊雖殘敗之餘而實皆漏網
劇寇粵東江西邊防愈固則賊之竄閩愈深將欲聚而
殲旃非閩省厚集兵力不可現在主客各軍之可恃者
規漳州則高連陞一軍四千六百餘人黃少春馬步二
千餘人規龍巖則康國器一軍三千人劉名珍所部一
千五百人汀連一帶專剿汪逆者劉典一軍馬步八千

餘王德榜一軍四千人王開琳老湘一軍三千餘及臣
宗榮親兵各營三千人而已以之分布數百里之間且
防且剿兵力實形不足欲待廣爲徵調則閩省餉源早
竭專哺本省兵勇已拮据萬分卽浙餉每月十四萬兩
如期如數源源而來每月已欠至萬餘兩勢難勻撥以
濟新軍之餉其餉超一軍援萬人隴尙無定局該軍所
收降人最多餉超旣謝軍事駕馭尤非易易現擬別調
勁旅以供分撥而籌餉無出空費踟躕計惟有就現在
兵力多方激勵以漸收餉節兵精之效至汪逆所踞之

南陽內夷外峻城數愈累掠食愈艱似難久踞能將此
股驅除則兵力尙可勉敷剿辦臣等惟當慎以圖之此
次黃少春所部測得義州萬順兩勇日前經官軍追剿
窮蹙歸誠經黃少春稟請收錄立功贖罪此次忽萌異
志覆載難容黃少春自請嚴議固屬罪無可辭惟當逆
謀甫露之先該署提督卽將城賊擊退並追斬從逆弁
目多名尙與尋常夫察者有間可否仰懇

天恩免其置議理合恭摺由驛馳

奏伏乞

皇上聖鑒訓示施行再此摺係臣宗棠主稿合併陳明

謹

奏

同治四年正月初四日

議政王軍機大臣奉

旨另有旨欽此

議政王軍機大臣

字寄閩浙總督一等伯左宗棠江

蘇巡撫一等伯李鴻章福建巡撫徐宗幹浙江巡撫馬

新貽傳諭護理浙江巡撫布政使蔣益澧同治四年正

月二十日奉

上諭左宗棠等奏連城各軍進剿獲勝漳州官軍擊退
撲營巨股現籌辦理情形請調員赴閩差委名摺覽奏
均悉王德榜抵汀後與劉典分路進剿獲勝連城之賊
由新泉南陽退至下車南嶺一帶官軍於夜分掩襲破
其三壘殺賊無算黃少春一軍進偏潭以與高連陞聯
絡猛擊賊眾敗走而降將劉得義邱萬順砍傷參將周
雲達等自率降人將謀內應黃少春派隊追斬連陞賊
目多名劉得義等竄併賊中隨逆者約不滿四百人城
賊復傾巢出撲高連陞等擊敗之所辦均尙得手著左

宗棠先就現有兵力激勵各營將士實力進取以期節
節得手至據奏賊數約二十萬各路分布之兵約計僅
二萬八千有奇閩省餉源早竭拮据萬分此等情形朝
廷早經洞悉前諭李鴻章令劉銘傳等鎗礮隊由水陸
赴閩並令左宗棠察度一面催調一面奏聞著仍遵前
旨檄調到閩分路調派以厚兵力李鴻章卽籌畫軍裝
口糧令劉銘傳等分路入閩並催令趕緊部署起程無
任觀望劉銘傳軍餉李鴻章仍照舊供支到閩後亦當
源源接濟不得少分貽誤黃少春所部劉得義等忽萌

異志幸該提督立即追剿並斬從逆弁目多名與尋常失察者有間據奏黃少春自請嚴議之處著加恩寬免該督卽飭令黃少春奮勉圖功務將已降復叛之員弁等悉數殄除勿留餘孽所請調員赴閩差遣委用本日已明降諭旨照准並令吏部於本科新進士卽用知縣內多掣十數員分發閩省矣著馬新貽蔣益澧卽飭周開錫吳大廷胡光墉張樹蔭四員迅速赴閩聽候左宗棠差委該督疊次奏留浙省文員中並准其隨時調閩差遣但求有益地方不須限以資格閩省官吏因循積

習難挽該督撫不妨隨時甄別叅劾以期日有起色另
摺奏蔣益澧任滿請准來京陛見一摺閩省軍務方殷
蔣益澧在浙省籌餉籌防在在皆關緊要著傳知該藩
司認真辦公於閩餉閩軍隨時接應協濟俟閩省軍務
完竣再行來京陛見另片奏廈門稅務司休士等盤獲
遞送逆信勾通洋人之陳金隴卽陳九里已將該犯訊
明正法並請將休士等嘉獎等語已令總理各國事務
衙門議奏左宗棠所請援閩浙軍餉需本日已諭知馬
新貽蔣益澧仍照舊每月協濟銀十四萬兩其湖南湖

北江西等省協閩軍餉亦經諭令該督撫等照戶部原撥之數速解矣將此由六百里諭知左宗棠徐宗幹李鴻章馬新貽並傳諭蔣益澧知之欽此

附陳逆賊竄陷長泰縣城旋即收復片

再正拜摺間接據高連陞黃少春會稟該軍進紮北溪時卽以漳北路徑歧出長泰距府城僅四十里無兵扼守恐賊由間道突竄繞襲官軍後路飭龍溪縣吳榮鼎長泰縣陳疇於郭坑地方搭造浮橋以通往來庶長泰有警卽可回師轉戰詎上臘十九日郭坑浮橋尙未搭

就漳城踞賊突分巨股由浦南上數里踞淺過河竄陷
長泰縣城高連陞當派知府魏光祿遊擊龍順友乃朱
體盛錢桂仁等三營黃少春派副將李長平左營參將
伍先申馬隊於是夜三更渡河截擊潛行十餘里至附
城不遠地方見該逆麇聚一帶村中官軍卽突起衝殺
立斃悍賊二百餘名生擒數十名羣賊驚潰官軍跟追
數里收隊而還賊忽分路抄襲魏光祿與李長平督各
營同旗廩戰十餘合斃騎馬賊目數名賊始敗退各營
甫收至河邊渡未及半賊又蜂擁而至逆擊龍順友力

戰死之黃少春親率各營飛渡過河接戰與魏光祚等
兩路夾擊賊仍敗走計是役共斃悍賊四五百名生擒
八十名官軍亦有傷亡廿一日辰刻高連陞黃少春復
督隊過河進剿詎該逆經官軍先夕痛剿後仍卽縮退
歸巢當將兵秦縣城收復其署長秦縣知縣陳疇現在
尙無下落容俟查明具奏遊擊龍順友血戰捐軀請
飭部照遊擊例從優議卹以慰忠魂理合附片具陳伏
乞

聖鑒訓示施行謹

奏 同治四年正月初四日

議政王軍機大臣奉

旨龍順友藩交部照遊擊例從優議卹欽此

李同知陷賊不屈請免議併前議卹註銷片

再劉典一軍前由連城進剿十一月十九日之挫卽選
同知李光瑩守壘遇害曾經請

卹在案茲據劉典呈稱是日賊破楊家坊營壘時李光
瑩被賊斫傷未死旋被賊昇至南陽老巢汪逆海洋交
僞奉逆黃十四拘守李光瑩拔綴自盡爲僞天將羅章

仙解救李光瑩曉以大義羅章仙感悟共商於十二月初三夜率黨千餘人從間道殺出初四日黎明抵東山阿汪逆親率三千餘人追至李光瑩與羅章仙登山力堵相持至是夜四更始覓路衝出帶同投出之三百餘人於初八日行抵連城臣查李光瑩受傷後陷於賊中將及半月義不稍屈復勸諭羅章仙率眾投誠大節無損應請免其置議其前次議卹之案並請

勅部註銷理合附片陳明伏乞

聖鑒謹

奏 同治四年正月初四日

議政王軍機大臣奉

旨著照所請該部知道欽此

懇陳閩省困敝情形請調員差委摺

奏爲懇陳閩省困敝情形應請調治事之才赴閩差委
力扶危局仰祈

聖鑒事竊閩省吏治軍政之壞由於因循粉飾已久積
習相沿驟難更易外觀雖尙無他而切按則鮮有一事
可期實濟者臣入閩以後詳加訪察覺其習氣之深竟
與各省十年前景象無異深抱隱憂一省之大籌兵則
無一卒之恃籌餉則無一月之儲問守吏則樸樸者難
得數人察局員則練達者未能指數而民俗則悍獷幾

若性成例識法紀所在匪盜蜂聚官司莫敢誰何其在
都邑率畏賊而不畏官其在鄉園則抗官而兼通賊制
兵卒虛存冊籍訓練久荒武職則但事營求膽技均弱
推原致弊之故約有數端各省捐例同開流弊雖多尙
有限制閔自鐵錢鈔票難以通行乃圖藉此收捐爲繞
算通融之計捐生買票上兌層遞減折明符例價暗得
便宜一經得官即可兼權子母入仕之始卽懷苟利之
心取息稍豐又可爲捐陞之本而且委署必計年限更
換多因調劑其作宦也儼若經商其視官也一如傳舍

此吏道之所以難也制兵之餉本爲至薄閩之減給又已三年或每日給銀三分而米則停發或每年僅得米一石入斗而銀則全無雖日事平補給實則一飽無時如是而責其荷戈用命其誰甘之其黠者且納貲以捐千把但能營謀差使便可積有贏餘於是有遞捐至都司參遊者官秩稍崇則索陋規買弁缺取償尤易若輩但曉牟利營私何知整軍經武此軍政之所以壞也閩省山鄉狹隘本地所產穀米不足供本地之食民之謀生旣艱復喜惰游不勤工作又近年鴉片流毒日寬吸

食者十人而五其流爲盜賊勢所必然慨自吏治不修
官司不知教養爲何事治本之策已亾官司不知政刑
爲何事治標之策復失民無恥爲盜賊之心復無懼爲
盜賊之心小則伏路殺人大則入會行劫而賊盜日盛
矣盜賊盛而制兵不足制之勢不能不增募勇丁勇丁
散則復爲盜賊而又加以粵東游手下府奸民雜錯其
間於是閩中各郡縣皆匪與盜之淵藪矣何怪巨寇一
入從亂如歸乎臣前在浙但憂閩省無賢能之官冀尙
有安靜之吏但慮閩省無樸勇之將冀尙可有戰之兵

乃自入閩以來所見所聞竟有出意想之外者甲夜以
興罔知攸措竊維經武之道豐財居一理財之術得才
爲先閩省吏治軍政之壞實均因貧因而起則治閩之
要首在理財理財之要在於修明政事蓋予所謂無政
事則財用不足者此也今欲修明政事則必先求治事
之才臣請就所知者先調數員入閩以資襄助新授浙
江督糧道周開錫記名道吳大廷按察使銜福建補用
道胡光墉奉

旨交臣差遣刑部員外郎張樹葵此四員皆近在浙江

可以速到伏乞

飭下浙江撫臣催飭迅速來閩以資差委又臣疊次保奏留浙文員中尙有可調赴閩省者可否由臣酌調赴閩遇有地方諸事急須整頓者得以差遣委署暫請勿拘成例俾臣得以及時整理庶危局藉以支持如蒙俞允容臣隨時具奏請

旨又今歲會試新中貢生之以卽用知縣分發各省者并請

飭下部臣多籤掣十數員來閩以供差委伏懇

皇上聖鑒訓示施行謹

奏
同治四年正月初四日

議政王軍機大臣奉

旨另有旨欽此

同治四年正月二十日內閣奉

上諭左宗棠奏閩省吏治需人請調員差委一摺浙江
督糧道周開錫記名道吳大廷按察使銜福建補用道
胡光墉刑部員外郎張樹蓀著馬新貽飭令該員等迅
速赴閩交左宗棠差遣此外留浙文員中有可調赴閩

者卽著該督酌量奏調並著吏部於今歲會試後籤掣各省卽用知縣內多掣福建省分十數員以供差委欽此

再請濟閩浙餉仍加數籌撥片

再浙省援閩各軍餉項曾經臣奏明每月由浙協濟十四萬兩十一月十二月分俱如數撥解在案茲准戶部咨錄原奏內稱浙省軍務甫平籌餉不易且尚有應協別省款項均關緊要亦須分力兼顧今該督前每月撥解協閩餉銀十四萬兩爲數未免過鉅誠恐該省力有

未遑轉滋貽誤查浙省有原定湖北湖南江西協餉四萬餘兩浙省肅清始行停止現請卽令湖北湖南每月各解銀一萬兩江西每月解銀二萬兩作爲協閩月餉其餘所需十萬兩卽由浙省按月如數籌解十一月十六日具奏奉

旨依議欽此臣查浙省援閩各軍二萬三千餘人月餉應由浙協濟蓋因所調入閩者本係見成浙軍與尋常從新調募給餉者有間臣軍卽不入閩浙江亦應按月給餉是所謂協濟云者不過隔省支餉不得以被以協

濟之名耳且現在入閩之軍浙江舊欠餉銀尙數十萬兩臣以入閩之期甚迫若清釐舊欠無論旬日間頓括數十萬兩以行萬非浙江力所能及卽令將舊欠分給軍士軍士不知權節入閩以後必又蕩然於事何益啟行之先曾與蔣益澧熟商由浙每月籌解十四萬兩作爲協撥新餉而舊欠則暫緩清給並函諭諸將領宣示各營俾知新餉源源而來而舊欠仍歸有著庶軍情無所疑沮得以迅速成行此事頗經思慮非敢草率定議並非臣將入閩卽膜視越人之肥瘠也茲部議浙江每

月祇應撥十萬兩其餘四萬兩由江西湖北湖南協濟各省卽能籌解未必如期而臣軍先少四萬的餉又不清還舊欠軍心不問可知合無仰懇

皇上天恩仍飭浙撫臣按月委解臣軍餉銀十四萬兩以臣自謀之食哺浙江應餉之軍其於事理並無滯礙至湖南北江西每月協撥四萬兩並仰懇

天恩仍令照部議協濟閩省俾得暫支危局閩事如有轉機臣卽當奏請傳正斷不敢久累鄰封臣於籌餉一節從不敢稍涉計較爭執之私諒蒙

洞鑒謹據實陳明伏乞

訓示施行謹

奏 同治四年正月初四日

議政王軍機大臣奉

旨另有旨欽此

錫封一等伯爵謝

恩摺

奏爲恭謝

天恩事竊臣前奉

諭旨錫封一等伯爵因

聖恩愈厚臣志難安會披瀝微誠懇請

先收成命茲於正月初八日齎到

批摺奉

旨知道了毋許固辭欽此跪聆之下感悚莫名伏念臣
涯荷

殊恩拔從不次朔詩出於舊德家守遺經

賜弓矢以專征任兼秉鉞仗

皇威之遠播屬道摩之生俘師克在和忝附太常之紀

頌

賞加於世未容却殿之辭封膺

晉錫而牙蘇蒙福在師中而躬圭輯瑞長人曰伯深虞

負荷於析薪有

命曰

天勉篤忠貞於累葉况帶礪榮邀

鉅典而鑒正效前驅賦袍澤於秦風修甲兵以偕作
備屏藩於周翰希申甫以宣勞臣惟有靖共益矢寵利
不居以期仰答

高厚鴻慈於萬一所有微臣感悚榮幸下忱理合繕摺

恭謝

天恩伏乞

皇太后

皇上聖鑒謹

奏

同治四年正月二十八日

奏報進剿獲勝會克永定龍巖情形摺

奏爲官軍進剿連獲勝仗並會合粵軍收復永定縣城
攻克龍巖州城現籌剿辦情形恭摺馳

奏仰祈

聖鑒事竊劉典王德榜兩軍由連城進駐朋口莒溪後
在逆海洋仍堅踞南陽並分黨盤踞古田下車南嶺馬
洋洞涂坊一帶以阻官軍進攻之路劉典督將駐守連
城各營內抽調三營進紮文坊總兵王開琳率所部與
道員張恒祥凱營全部進紮汀南四十里河田並規南

陽賊巢上年十二月廿五夜偵知古田賊巢無備劉典
飭張福齊挑趨捷勇丁五百名與王德榜所部各營分
路潛往襲之並飭道員李耀南率隊出楊家坊截賊去
路詎宵行失道僅破賊二卡殺賊百餘名而天色已向
曉矣是時該逆驚擾殊甚又僞天將何姓館中火藥無
故轟發賊疑官軍大至赤身亂竄自相攻刺及蹊藉死
者千有餘人廿六日王開琳張恒祥督各營進剿涂坊
該逆出大隊迎敵官軍排礮轟擊斃賊多名賊不少却
老湘左營龔隆貴後營黃坤和中營方友才凱營一旅

文禹商二旂何映文怒馬陷陣各營從左右兩路乘之
賊敗走立將涂坊賊館掃蕩斃賊四五百名忽賴坊援
賊擁至老湘前營羅瑞山右翼丁長勝左翼魏友盛副
中營康榮詔凱營三旗易培駿等大呼奮擊羅瑞山手
刃先鋒悍賊三名賊敗歸賴坊適龔隆貴等又從後抄
出兩路夾擊斃賊五六百名至晚收隊計是日往返百
四十里陣斬賊目爛天義李斗其欽天豫洪世芳等多
名斃賊千餘名生擒二十四名奪旗幟鎗礮數百件馬
十五匹時江西撫臣沈葆楨飭調援閩之道員王文瑞

所部新湘九營已抵汀州正月初七日王開琳遂率所部及新湘九營進駐涂坊賊出零股千餘意圖牽制王開琳麾各營擊走之並追過陽和隘里許焚其草棚百餘間張恒祥率所部進紮塘背見前去十五里南嶺有賊屯聚十二夜飭各營攀崖踰嶺而進守卡賊七八百人始猶拚死抵拒及官軍分路齊上迺棄卡狂竄追斬三百餘人墮崖落澗死者無算總兵何映文追至嶺下村內伏賊突起張恒祥急飭戴明前李大有文禹商易培駿張復勝等分擊其左右自率中軍直搗中堅賊不

能支紂向南陽遁去當王開琳等之進紂涂坊也劉典亦飭李耀南張福齊兩軍進紂楊家坊另撥三營填紂朋口並會商王德榜扼紂廟前以期漸合長圍十一日李耀南等移營時王德榜復派各營出六成隊助之賊竟鼠伏不出王德榜隨帶輕騎馳赴下車一帶察探路徑見下車馬洋洞以至南陽一帶賊卡層層密布必先克此要隘始可進取南陽是夜飭戴奉聘王福泰兩營由右路蕭得龍黎榮鈞兩營由左路王德榜自率貽必發李運龍等由中路齊局下車賊巢乘雷雨交作之際

戴奉聘王福泰率師繞出下車之後乘勢急攻賊壘賊
不意官軍突至駭而奔官軍奮力追殺直至馬洋洞該
處踞逆爲敗賊牽動不攻自潰至曉始收隊還計是役
斃賊七八百名生擒三十七名溺斃者無算陣斬僞王
宗汪運勝等奪洋鎗數十桿旗幟號衣刀矛各數百件
此汀連各軍疊次進剿破壘獲勝之寔在情形也其高
連陞黃少春兩軍扼紮漳州東北自去臘賊竄長泰截
剿獲勝後因侍逆李世賢尙踞渡東浦南一帶時圖乘
隙窺犯黃少春遂於十二月二十四日飭所部前左兩

督移紮郭坑對河以扼長泰一路高連陞督知府魏光
邴遊擊丁賢發軍功錢桂仁程學明率洋鎗隊四百餘
列陣郭坑之前以防賊衝突另遣馬隊十餘騎向前挑
之適遇大股悍賊蜂擁而來待其撲近洋鎗隊一齊排
擊斃賊百餘名賊敗走追至浦南河邊詎渡東之賊萬
餘從山後抄出浦南之賊亦分數千沿河而上勢極兇
悍高連陞當飭丁賢發力堵河邊自督錢桂仁程學明
等奮威衝殺鏖戰十餘合黃少春率馬步百餘人馳至
丁賢發將沿河之賊擊退亦率所部橫截而出賊眾披

靡黃少春高連陞復麾軍追至河邊待逆親率悍黨抵拒洋鎗隊連環擊賊勢不支縮入村內程學明錢桂仁等過河追殺數里始收隊還計是役官軍以數百人擊賊萬餘斃賊數百士卒之亡傷者不過數名而已正月初二日侍逆率大隊分兩路從東北門出圖犯高連陞黃少春營壘官軍堅壁以待賊知官軍難撼旋即縮退入城自此以後賊不復出惟堅踞漳城及東北之樓內寨北路之福凝天寶等寨以相抗拒此漳州官軍擊賊獲勝之實在情形也其永定縣城被賊竄陷後經署

汀州鎮總兵關鎮國汀州府知府朱以鑑飭令守備李
仰山帶勇馳赴永定會同該縣知縣張行楷千總黃則
先等聯團助剿嗣廣東副將方耀率所部募軍於去臘
馳抵永定疊次攻勦獲勝二十八日粵軍進擊西門李
仰山張行楷等會督勇團分衝東南兩門併力圍攻至
廿九日黎明該逆由東門竄去張行楷等當將縣城收
復此會合粵軍克復永定縣城之實在情形也其龍巖
州城守賊口上年十一月屢撲鐵石洋雁石官軍大營
均經擊敗後堅匿不出據高連陞所收降人僞天將劉

雲供稱侍逆自浦南渡東退入漳城後擬喊汪海洋守
龍巖而調龍巖之賊會丁逆之陽及花旗賊林正揚等
犯安溪並調永定之賊由坎下入漳城分漳城之賊犯
長泰以圖併攬泉郡斷高連陞黃少春兩軍餉道以窺
伺省城各路捕獲賊謀及從賊中逃出難民所言皆同
高連陞挑撥知府魏光祚軍功錢桂仁兩營守長泰並
會黃少春委員赴鄉督辦聯團憑河而守王德榜既扼
廟前汪逆在南陽不能竄龍巖而龍巖賊勢亦孤正月
二十三日州城之賊分五路撲鐵石洋大營康國器督

各營力戰敗之斃賊千餘追至城下遇大雨收隊是日古田之逆率黨萬餘由小池來援康國器收隊後偵知復督各營於廿四日雨後乘勢痛擊約共斃賊二千餘是夜亥刻各營素攻州城東北火箭噴筒齊發賊眾冒雨啓南門出走各營躡蹤追殺至前林始收隊還此二十四日攻克龍巖州城實在情形也臣等現飭康國器留兩營守龍巖仍率各營追剿一面飭擬保總兵劉明珍率所部由日沙總兵劉瑞冕副將馬駿發由永安甯洋漳平均出華野司以厚漳州東北兵力而絕賊內犯

安溪之路與長泰官軍聯絡一面調記名提督署衛州
鎮總兵劉清亮由浦城帶所部湘軍三千由省城出興
化趨泉州同安以固高連陸黃少春後路俟劉典王德
榜等將汪逆南陽老巢掃除然後賊勢蹙而兵力數乃
可漸圖蒞事臣等惟當慎以圖之以求仰紓

慈廑所有各軍擊賊獲勝及現籌辦理情形理合恭摺
馳

奏伏乞

皇上聖鑒訓示施行再此摺係由臣宗棠主稿合併陳

明謹

奏 同治四年二月初四日

同治四年二月二十日為閣奉

上諭左宗棠徐宗幹奏汀漳官軍剿賊疊勝並會合粵軍收復永定縣城攻克龍巖州城一摺福建首逆汪海洋堅踞南陽負隅死守並分竄竄擾古田下車南嶺馬洋洞涂坊一帶以阻官軍進剿之路經左宗棠等督飭汀連等軍分路剿襲於上年十二月二十五二十六等日劉典王開琳等疊次進攻斃賊多名王文瑞率所部

馳抵汀州正月初七等日王開琳麾軍追擊南陽之賊
棄卡竄遁劉典亦馳赴下車馬洋洞一帶力奪要隘督
飭戴奉聘等分三路急攻賊眾惶懼奔潰斬擒無算其
高連陞黃少春兩軍扼紮漳州李世賢尙踞渡東浦南
一帶黃少春分飭各營向前挑戰大股賊眾蜂擁來若
我軍鎗礮排擊賊眾敗走高連陞等亦於正月初二日
將侍逆大股擊敗賊眾退縮漳城堅踞不出永定縣城
被賊竄陷後經關鎮國等會合方耀等軍疊剿獲勝於
正月二十八日分擊西門並東南兩門併力圍攻二十

九日黎明該逆由東門竄走當將永定縣城收復正月
二十三日龍巖州城之賊分撲鐵石洋大營古田之賊
率黨來援康國器督軍力戰斃賊二千餘人乘夜緊攻
州城東北火箭噴筒齊發賊勢不支啓南門竄走卽將
龍巖州城克復各營躡踪追剿沿途殺賊甚眾剿辦甚
屬得手仍著左宗棠等分飭各軍將逸出各匪盡數掃
除以清餘孽欽此

議政王軍機大臣 字寄廣州將軍兼署兩廣總督瑞
麟閩浙總督一等伯左宗棠福建巡撫徐宗幹署廣東

巡撫郭嵩焘同治四年二月二十日奉

上諭左宗棠徐宗幹奏官軍剿賊疊勝克復龍巖永定
各城現籌剿辦情形一摺逆首李世賢汪海洋分踞漳
州南陽擾及古田下車南嶺馬洋洞涂坊一帶經左宗
棠分飭王德榜劉典王開琳等軍將涂坊賊館掃除連
奪下車馬洋洞等要隘餘匪俱向南陽奔竄永定縣城
亦飭總兵關鎮國會同粵軍攻克並令康國器克復龍
巖辦理尙爲得手惟漳州踞逆號稱二十萬人逆倭尙
張汪逆尙踞南陽相爲犄角左宗棠現飭總兵劉清亮

出興化趨泉州同安以固高連陞等軍後路並分布諸
軍於永安甯洋漳平等處以厚漳州兵力兼杜賊犯安
溪之路布置尙爲周密渡東浦南踞匪已爲黃少春高
連陞兩軍擊敗侍逆退縮漳城堅踞不出著左宗棠督
率諸軍乘此聲威力籌進攻並激勵劉興王德榜等軍
速將南陽賊巢掃蕩以便進兵合圍漳城毋稍遲緩前
據毛鵬賓等奏稱方耀一軍會合閩兵克復永定餘匪
竄向龍巖現在龍巖股匪究向何處逃逆著左宗棠查
明具奏並將此股殘匪速行截擊乘勢殄盡毋令竄併

汗漳徐宗幹亦當督飭地方各官聯絡鄉團嚴扼要隘毋任敗賊紛竄致滋蔓延前經諭令毛鴻賓等飭令方耀聽侯左宗棠調派會同閩浙官軍進攻並令李福泰進駐潮州著瑞麟郭嵩燾迅速前旨辦理一面嚴扼要隘毋令閩匪竄入粵疆仍當不分畛域力圖越境會剿以期速靖邊圉將此由六百里各諭令知之欽此